

Қазақстан Республикасы Үкіметінің 2003 жылғы 28 қарашадағы N 1194 қаулысына толықтыру енгізу туралы

Күшін жойған

Қазақстан Республикасы Үкіметінің 2005 жылғы 1 маусымдағы N 546 Қаулысы. Күші жойылды - Қазақстан Республикасы Үкіметінің 2016 жылғы 18 наурыздағы № 148 қаулысымен

Ескерту. Күші жойылды - ҚР Үкіметінің 18.03.2016 № 148 (алғашқы ресми жарияланған күнінен бастап қолданысқа енгізіледі) қаулысымен.

Қазақстан Республикасының Үкіметі **ҚАУЛЫ ЕТЕДІ:**

1. "Табиғи монополия саласына жататын, ұсынылатын қызметтерге (тауарларға, жұмыстарға) арналған үлгі шарттарды бекіту туралы" Қазақстан Республикасы Үкіметінің 2003 жылғы 28 қарашадағы N 1194 қаулысына (Қазақстан Республикасының ПҮКЖ-ы, 2003 ж., N 45, 493-құжат) мынадай толықтырулар енгізілсін:

осы қаулыға 1, 2-қосымшаларға сәйкес қосымшалармен толықтырылсын.

2. Осы қаулы алғаш рет ресми жарияланғаннан кейін он күнтізбелік күн өткен соң қолданысқа енгізіледі.

Қазақстан Республикасының

Премьер-Министрі

Қазақстан Республикасы
Үкіметінің
2005 жылғы 1 маусымдағы
N 546 қаулысына

1-қосымша

Қазақстан Республикасы
Үкіметінің
2003 жылғы 28 қарашадағы
N 1194 қаулысымен

бекітілген

**Электр энергиясын беру және/немесе бөлу жөнінде
қызметтер көрсетуге арналған үлгі шарт**

200__жылғы " __ " _____

(ш а р т т ы ң

ж а с а л ғ а н

о р н ы)

Бұдан әрі, Орындаушы деп аталатын _____

(электр энергиясын беру және/немесе бөлу жөніндегі қызметтер көрсетуді -

өңірлік және/немесе жергілікті деңгейлер желілері бойынша ұсынатын субъектінің атауы, құрылтай

құжаттары, мемлекеттік тіркеу туралы куәлік, берілген күні мен берген орган)

негізінде әрекет ететін _____
_____тұрғысында бір тараптан және бұдан
(лауазымы, аты - жөні)

әрі Тапсырысшы деп аталатын _____ негізінде әрекет ететін _____

(пайдаланушының деректемелері, құрылтай құжаттары, мемлекеттік

тіркеу туралы куәлік, берілген күні мен берген орган)

_____тұрғысында
(лауазымы, тегі, аты - жөні)

екінші тараптан, мына төмендегілер туралы осы Шартты (бұдан әрі - Шарт) жасасты.

1. Шартта пайдаланылатын негізгі ұғымдар

1. Шартта мынадай негізгі ұғымдар пайдаланылады:

теңгерімдік тиесілілік бөлімінің шекарасы - тараптарға меншік құқығында, өзге де заттық құқықта немесе заңмен белгіленген өзге негіздер бойынша тиесілі болатын электр энергиясын берудің соңғы пунктінде теңгерімдік тиесілілікті ажырату актісімен айқындалатын олардың электр желілері бөлімінің шекарасы;

электр энергиясының сапасы - нормативтік техникалық кесімдерде белгіленген талаптарға сәйкес келетін электр энергиясы жарамдылығының дәрежесі ;

электр энергиясының көлемі - Орындаушы мен Тапсырысшының және/немесе үшінші тұлғалардың теңгерімдік тиесілік бөлімінің шекарасында коммерциялық есептеу құралдарының көрсеткіштерімен айқындалатын, Шарт бойынша қызметтердің құнын айқындау мақсатында киловатт-сағатпен өлшенетін, Тапсырысшының атына берілген электр энергиясының мөлшері;

өтінім - Тапсырысшы қол қойған және Шартта белгіленген тәртіппен және мерзімдерде Орындаушыға жолданатын, электр энергиясының көлемі, электр

энергиясын берудің уақыт кезеңі, осы кезең ішінде қуаты жөніндегі көлемді бөлу туралы ақпаратты қамтитын жазбаша құжат. Өтінім айлық, тәуліктік және жедел б о л у ы м ү м к і н ;

электр энергиясын беру және/немесе бөлу - Орындаушының электр желілері, кіші станциялары және бөлу құрылғылары бойынша қабылдау пункттерінен Тапсырысшы желілерінің теңгерімдік тиесілілік бөлімінің шекарасына дейін электр энергиясын беруге және/немесе бөлуге байланысты энергия беруші ұйым к ө р с е т е т і н қ ы з м е т ;

коммерциялық есептеу құралы - Қазақстан Республикасының заңнамасында белгілеген тәртіппен қолдануға рұқсат етілген электр қуатын, электр энергиясын коммерциялық есептеуге арналған техникалық құрылғы;

қабылдау пункті - электр энергиясының көлемін Орындаушының желілері бойынша жеткізу пункттеріне дейін кейіннен беру үшін оны Тапсырысшы Орындаушыға беретін Орындаушының теңгерімдік тиесілілік бөлімінің шекарасында қосу (қосулар жүйесі);

жеткізу пункті - Орындаушы электр энергиясын Тапсырысшыға беретін Орындаушының теңгерімдік тиесілілік бөлімінің шекарасында қосу (қосулар ж ү й е с і) ;

есеп айырысу кезеңі - Орындаушының электр энергиясын беру және/немесе бөлу жөніндегі қызметіне есеп айырысу жүргізілетін айдың бірінші күнінің 00-00 сағатынан бастап соңғы күнінің 24-00 сағатына дейін бір күнтізбелік айға тең у а қ ы т к е з е ң і ;

реттеуші орган - табиғи монополиялар салаларында қызметті бақылау мен реттеуді жүзеге асыратын орталық мемлекеттік орган немесе белгіленген құзырет шегінде облыстық (республикалық маңызы бар қаланың, астананың) а т қ а р у ш ы о р г а н ;

тәуліктік кесте - Қазақстан Республикасының электр қуаты мен энергиясының рыногы субъектілерінің 00-00 сағаттан 24-00 сағатқа дейін электр энергиясын өндірудің, берудің, жеткізудің және тұтынудың әрбір күнтізбелік тәулікке орташа сағаттық шамаларын регламенттейтін құжат;

электр энергиясын есептеу схемасы - оларға есеп айырысу үшін берілетін электр қуатының және энергиясының есебін қамтамасыз ететін электр энергиясын есептеу құралдарының белгілі бір электр қосылысы;

уәкілетті орган - электр энергетикасы саласында реттеу мен бақылауды жүзеге асыратын мемлекеттік орган;

нақты теңгерім - есеп айырысу кезеңінде осы рынок субъектілері электр энергиясының бөлшек сауда рыногында өндірген, жеткізген және тұтынған электр энергиясының көлемдерін атаулы бөлуді белгілейтін құжат;

электр энергиясының нақты көлемі - Орындаушы Тапсырысшының атына

берген, коммерциялық есептеу құралдары көрсеткіштерінің негізінде айқындалған және тараптардың салыстыру актісімен расталған электр энергиясының көлемі;

электр желілері - Орындаушыға да және/немесе Тапсырысшыға да және үшінші тұлғаларға да меншік құқығында, заттық құқықта немесе Қазақстан Республикасының заңнамасында белгіленген өзге де негіздер бойынша тиесілі кіші станциялардың, бөлуші құрылғылардың және оларды біріктіруші электр беру желілерінің жиынтығы;

энергия өндіруші ұйым - электр энергиясын өндіруді жүзеге асыратын ұйым.

2. Шарттың мәні

2. Шарттың алдындағы міндетті талаптар (электр энергиясын өңіраралық және/немесе жергілікті деңгейлердің желілері бойынша беру және/немесе бөлу жөніндегі қызметтер көрсетудің техникалық талаптары мен сипаттамалары):

(осы тармақта нормативтік-техникалық құжаттардың талаптарына

сәйкес келуге тиіс міндетті талаптар (Шарттың мәнінің техникалық талаптары мен сипаттамалары) көзделеді)

3. Орындаушы Тапсырысшының тұтынушыларына теңгерімдік тиесілігі және/немесе Орындаушының теңгерімдік тиесілігі және/немесе пайдалану жауапкершілігі шегінде Орындаушының электр желілері бойынша электр энергиясын беруді және/немесе бөлуді жүзеге асыруға міндеттенеді.

4. Тапсырысшы Орындаушының Шартта белгіленген талаптардың негізінде электр энергиясын беру және/немесе бөлу жөніндегі қызметтеріне ақы төлеуге, сондай-ақ осы Шартта көзделген техникалық талаптарды орындауға міндеттенеді.

3. Қызметтер ұсыну шарттары

5. Электр энергиясын беру және/немесе бөлу осы Шартқа сәйкес жүргізілген ықтимал түзетуді ескере отырып, тоқсандар, айлар бойынша бөлумен Тапсырысшының электр энергиясын беру көлемдерінің жылдық өтінімнің негізінде және оған сәйкес жүргізіледі.

6. Алдағы тоқсанға арналған өтінім тиісті тоқсан басталғанға дейін алпыс күнтізбелік күннен кешіктірмей беріледі. Өтінімді тоқсан басталғанға дейін 20 күн бұрын Тапсырысшының түзетуіне жол беріледі.

7. Алдағы айға арналған өтінім тиісті есеп айырысу кезеңі басталғанға дейін

он күнтізбелік күннен кешіктірмей беріледі.

8. Электр энергиясын беру және/немесе бөлу көлемдерінің өтінімін Тапсырысшы Орындаушыға жазбаша нысанда береді.

9. Электр энергиясын шарттасқан берудің және/немесе бөлудің айлық көлемін түзету жөніндегі ұсыныстарды Тараптар өзгерістер басталғанға дейін кемінде 1 (бір) тәулік бұрын жедел келіседі және шарттық шама көлемін түзету жөніндегі өтінім түрінде ресімдейді.

Электр энергиясының тәуліктік көлемінің және оларды қуаты бойынша бөлудің айлық өтініміне Тапсырысшының түзетуіне жол беріледі. Түзету:

1) көлемі түзетілетін алдағы тәуліктерге тәуліктің 10-00 сағатынан кешіктірмей берілетін тәуліктік өтінім;

2) көрсеткіштері түзетілетін мерзім басталғанға дейін отыз минуттан кешіктірмей берілетін жедел өтінім арқылы жүзеге асырылады.

10. Тәуліктік өтінімді Тапсырысшының уәкілетті өкілі факсимильдік байланыс арқылы береді.

11. Телефонограмма нысанындағы жедел өтінімді кейіннен оны міндетті түрде жазбаша ресімдей отырып, Тапсырысшының уәкілетті өкілі береді. Тапсырысшы Орындаушыға жазбаша хабарлама арқылы жедел өтінімдер беруші уәкілетті өкілдің тегін, аты мен әкесінің атын уақтылы хабарлайды.

Орындаушыға Шартты орындау мақсатында Тапсырысшының айлық, тәуліктік, жедел өтінімдерін, сондай-ақ мереке және демалыс күндері түсетін жедел өтінімдерін қабылдауға тиісті телефондардың және/немесе факсимильдік аппараттардың нөмірлері өзгерген кезде Орындаушы Тапсырысшыны бұл туралы жазбаша хабардар етуге міндетті.

12. Есеп айырысу кезеңінде жол берілетін шама электр энергиясын берудің және/немесе бөлудің нақты көлемінің мәлімделгеннен азаю жағына 10 % ауытқуы болып саналады.

4. Электр энергиясын есепке алу

13. Орындаушы жеткізу пункттерінде есеп айырысу кезеңі ішінде берген және/немесе бөлген электр энергиясының нақты көлемі теңгерімдік тиесілілік шекараларында орнатылған коммерциялық есептеу құралдарының көрсеткіштері негізінде есеп айырысу кезеңінің бірінші күнтізбелік күнінің 00-00 сағатынан бастап соңғы күнтізбелік күнінің 24-00 сағатына дейін айқындалады.

Есеп айырысу кезеңі ішінде берілген және/немесе бөлінген электр энергиясының нақты көлемі коммерциялық есептеу құралдары көрсеткіштерінің негізінде жасалатын берілген және/немесе бөлінген электр энергиясының көлемдерін салыстыру актісімен расталады.

14. Тараптардың коммерциялық есептеу құралдары қолданыстағы заңнамаға сәйкес тексерілуге және оларға пломба салынуға тиіс. Тараптар көрсеткіштерді алу, телеөлшеуіштер тізбектері мен коммерциялық есептеу жүйелерінің техникалық жай-күйін тексеру үшін бір-біріне жұмыс күндері сағат 8-00-ден бастап 20-00-ге дейін коммерциялық есептеу құралдарына қол жеткізуге рұқсат беруге тиіс. Егер айлық көрсеткіштерді алу кезінде тараптардың бірі болмаса, онда екінші тарапқа көрсеткіштерді алуды дербес жүргізуге рұқсат беріледі.

15. Тараптар тараптардың қолдары қойылатын және мөрлерімен расталатын тиісті есеп айырысу кезеңі ішінде берілген және/немесе бөлінген электр энергиясының көлемін салыстыру актісін келесі есеп айырысу айынан кейінгі күнтізбелік айдың 5 күніне дейінгі мерзімде ресімдейді. Салыстыру актісі есептіден кейінгі күнтізбелік айдың 3 күнінен кешіктірмей Орындаушы Тапсырысшыға ұсынған коммерциялық есептеу құралдары деректерінің негізінде жасалады. Тараптардың бірі салыстыру актісіне қол қоюдан бас тартқан жағдайда берілген және/немесе бөлінген электр энергиясының көлемін растайтын құжат нақты теңгерім болып табылады.

16. Егер электр энергиясының есебі Орындаушы мен Тапсырысшының теңгерімдік тиесілілік бөлімінің шекарасынан жүргізілмеген жағдайда, онда берілген және/немесе бөлінген электр энергиясының нақты көлемі шекарадан есептеу құралдары орнатылған орынға дейінгі учаскедегі электр энергиясының ысыраптарын қоса отырып, коммерциялық есептеу құралдары бойынша а й қ ы н д а л а д ы .

Шекарадан есептеу құралдары орнатылған орынға дейінгі учаскедегі электр энергиясының есептік ысыраптарын Орындаушы айқындайды және желінің осы учаскесі теңгерімінде тұрған тараптың шотына жатқызады.

Егер Тапсырысшы ысыраптардың есептік шамасымен келіспеген жағдайда, ол өз есебінен энергетикалық сараптама жүргізуге уәкілетті органның рұқсаты бар ұйымды тарта отырып, сараптама жүргізуге құқылы.

Егер көрсетілген сараптаманың нәтижелері бойынша ысыраптардың есептік шамасы асыра көтерілгені анықталған жағдайда, онда осы шығындарды О р ы н д а у ш ы ө т е у г е т и і с .

17. Тараптар өз есебінен өздерінің теңгерімінде тұрған коммерциялық есептеу құралдарына тиісті метрологиялық стандарттармен көзделген мерзімде метрологиялық тексерулер жүргізеді.

Тараптар талап етуші тарап есебінен жүргізілетін қосымша тексерулер жү р г і з у д і т а л а п е т е а л а д ы .

Егер қосымша тексеру кезінде коммерциялық есептеу құралдары көрсеткіштерінің олардың дәлдік класы жол беретін ауытқудан асқаны анықталған жағдайда, онда қосымша тексеру жөніндегі шығындарды

коммерциялық есептеу құралдарының иесі төлейді.

18. Орындаушы электр энергиясын есептеу схемасындағы бұзушылықтарды, есептік есептеу құралдарындағы ақауларды тапқан кезде, Орындаушы Тапсырысшыны немесе оның тұтынушысын электр желісінен ажыратады, тиісті акт ресімдейді және жоғарыда көрсетілген бұзушылықтар және/немесе ақаулар анықталған сәттен бастап 24 сағат ішінде заңнамада белгіленген тәртіппен Тапсырысшыға берілген электр энергиясының көлеміне қайта есеп айырысу жүргізеді.

Акт Орындаушы өкілінің және тексерілетін Тапсырысшының немесе оның тұтынушысының не олардың өкілінің қолы болған кезде жарамды. Акт Тапсырысшы немесе оның тұтынушысы қол қоюдан бас тартқан жағдайда да бірақ оны Орындаушының және/немесе құрамына кем дегенде үш адам кіретін кондоминиумды басқару органының комиссиясы ресімдеген кезде жарамды деп есептеледі.

Тапсырысшыны немесе оның тұтынушысын электр желісіне қосу Орындаушы анықталған бұзушылықтарды жойған және жүргізілген қайта есеп айырысуға сәйкес ақы төлеген сәтінен бастап жүзеге асырылады.

5. Тараптардың құқықтары мен міндеттері

19. Орындаушы Тапсырысшының тарапынан шарттық талаптар бұзылған жағдайда, Қазақстан Республикасының заңнамасына сәйкес электр энергиясын беруді және/немесе бөлуді шектеуге немесе тоқтатуға құқығы бар.

20. Орындаушы мынадай жағдайларда:

1) Тапсырысшы Шарттың талаптарын және/немесе қолданыстағы заңнамада қойылатын талаптарды бұзған кезде;

2) егер сатушы босататын істен шыққан қуатты ауыстыру және/немесе Орындаушының электр желілері бойынша электр энергиясының бағытын және қуатын Тапсырысшының мекен-жайына өзгерту мүмкін болмаса, авариялық жағдай туындаған кезде;

3) егер электр энергиясын басқа бағыт бойынша беру және/немесе бөлу мүмкіндігі болмаса, Тапсырысшының келісімі бойынша оларды өткізу мерзіміне жөндеудің жылдық немесе айлық кестесінде көзделген өздерінің электр желілеріне жөндеу жұмыстарын жүргізген кезде, Шартта және Қазақстан Республикасының қолданыстағы заңнамасында белгіленген өзге іс-әрекеттерді жасауға, сондай-ақ Тапсырысшыға электр энергиясын беруді және/немесе бөлуді шектеуге немесе толығымен тоқтатуға құқығы бар.

21. Орындаушы:

1) электр энергиясын беру және/немесе бөлу жөніндегі қызметтердің барлық

тұтынушылары үшін тең жағдайлар ұсынуға;

2) реттеуші орган бекіткен тарифтер бойынша электр энергиясын беру және/немесе бөлу жөніндегі көрсетілген қызметтер үшін ақы алуға;

3) осы Шартта белгіленген жағдайлардан басқа электр энергиясын беруде және/немесе бөлуде үзілістерге жол бермеуге міндетті.

22. Тапсырысшының:

1) жасалған Шартқа сәйкес Орындаушының электр энергиясын беру және/бөлу жөніндегі қызметтерін пайдалануға;

2) Орындаушыдан электр энергиясын беруді және/немесе бөлуді тоқтатудан, электр энергиясын кем жеткізуден немесе жасалған Шарттың белгілі бір талаптарына сәйкес оның стандарттық өлшемдеріне жауап бермейтін жеткізуден келтірілген залалдарды өтеуді талап етуге;

3) шарттарды жасасуға және орындауға байланысты даулы мәселелерді шешу үшін сот органдарына жүгінуге құқығы бар.

23. Тапсырысшы және оның тұтынушысы:

1) ток қабылдағыштар мен коммерциялық есептеу құралдарын тиісті техникалық жай-күйде ұстауға, нормативтік құқықтық кесімдермен айқындалатын техникалық шарттарды орындауға;

2) Шартта белгіленген энергияны тұтыну режимдерін сақтауға;

3) Шарттың талаптарына сай электр энергиясын беру және/немесе бөлу жөніндегі қызметтерге уақтылы ақы төлеуге;

4) Орындаушының қызметкерлерін, сондай-ақ Қазақстан Республикасының нормативтік құқықтық кесімдеріне сәйкес электр қондырғыларының техникалық жай-күйін және пайдалану қауіпсіздігін бақылауды жүзеге асыру үшін Мемэнергияқадағалаудың қызметкерлерін коммерциялық есептеу құралдарына жіберуге;

5) Орындаушыға Тапсырысшының тұтынушыларына электр энергиясын жеткізудің тәуліктік кестелерін ұсынуға міндетті.

6. Тараптарға қойылатын талаптар

24. Тапсырысшыға қойылатын талаптар:

1) қабылдау пункттерінде тиісті сападағы электр энергиясын оны электр желілері арқылы Тапсырысшының жеткізу пункттеріне мәлімделген кестеге сәйкес көлемде беру үшін Орындаушыға беру;

2) электр тұтынудың режимін жүргізу жөніндегі орталық диспетчерлік басқармасының, диспетчерлік қызметтің, өңірлік диспетчерлік орталықтың пәрмендерін орындау;

3) күн сайын сағат 10-00-ге дейін энергия өндіруші ұйыммен келісілген жедел

өтінімді, онда Тапсырысшының келесі тәуліктерге арналған жүктелімнің тәуліктік кестесін көрсете отырып, ұсыну. Өндірістік қажеттілік жағдайында (авариялық жағдайлар, жүктелімдердің технологиялық төмендеуі) жедел өтінім түзету үшін Орындаушыға дереу жолданады;

4) күн сайын сағат 10-00-ге дейін өткен тәуліктер ішінде берілген және/немесе бөлінген электр энергиясының нақты көлемі туралы Орындаушыға а қ п а р а т б е р у ;

5) Орындаушыға бір энергия көзінен басқасына өту туралы осындай өту басталғанға дейін кемінде 72 сағат бұрын ескерту;

6) Шарт жасасу кезінде (егер Тапсырысшы энергиямен үздіксіз жабдықтау объектісі болып табылса) Орындаушыға авариялық бронь актісін және банктің не қазынашылықтың (облыстық қаржы басқармасының) Тапсырысшының энергиямен үздіксіз жабдықтау объектілерінің энергияны авариялық бронь мөлшерінде тұтынғаны үшін есеп айырысу жөніндегі кепілді міндеттемелерін ұ с ы н у ;

7) электр энергиясын импорттау жағдайында Тапсырысшы өзіне кейіннен Орындаушының желілері бойынша беру үшін Қазақстан Республикасының кеден шекарасы арқылы өтетін электр энергиясын декларациялау және кедендік ресімдеу, сондай-ақ осыған байланысты оның барлық көлемі бойынша тиісті салықтар мен алымдарды төлеу жөнінде міндеттемелер қабылдайды. Бұл ретте Тапсырысшы Орындаушы үшін электр энергиясын беруге арналған рұқсат болып табылатын кедендік декларацияның төртінші данасын Орындаушыға б е р у г е м і н д е т т і ;

8) Тапсырысшының немесе оның тұтынушыларының басқаруындағы және қарамағындағы электр желілерін пайдалану қауіпсіздігін және электр энергиясы мен қуатын беруге және/немесе бөлуге байланысты пайдаланылатын құралдар мен жабдықтардың жарамдылығын қамтамасыз ету.

25. Орындаушыға қойылатын талаптар:

1) электр желілері бойынша тиісті сападағы электр энергиясын Тапсырысшының тұтынатын қуатының тәуліктік кестесіне сәйкес беру;

2) Тапсырысшының энергиямен үздіксіз жабдықтау объектілері үшін қажетті көлемде электр энергиясын Шартқа жеке келісім негізінде банктің не қазынашылықтың (облыстық қаржы басқармасының) кепілді міндеттемелерін ескере отырып, авариялық бронь актісіне сәйкес беруді және/немесе бөлуді қ а м т а м а с ы з е т у .

26. Егер электр энергиясын беруді және/немесе бөлуді шектеу/бағытын өзгерту қажеттігі Орындаушының электр желілеріндегі авариялық жағдайдан туындаса, соңғысы Тапсырысшының атына дереу хабарлама жолдайды.

7. Есеп айырысу тәртібі

27. Орындаушының электр энергиясын беру және/немесе бөлу жөніндегі қызметтеріне ақы төлеуді Тапсырысшы реттеуші орган бекіткен тарифке сәйкес жүргізеді.

28. Тариф өзгерген жағдайда, Орындаушы бұл туралы Тапсырысшыны бұқаралық ақпарат құралдары арқылы жаңа тариф қолданысқа енгізілгенге дейін он күнтізбелік күн бұрын хабардар етеді.

29. Түпкілікті есеп айырысуды Орындаушының берілген және/немесе бөлінген электр энергиясының көлемдерін салыстыру актісінің негізінде шығарылған төлемге шот-фактурасын іс жүзінде ұсынған сәттен бастап Тапсырысшы бес банктік күн ішінде жүргізеді.

30. Тапсырысшы Шарттың 15-тармағында көзделген мерзімде оған берілген және/немесе бөлінген электр энергиясының көлемін салыстыру актісін ұсынбаған кезде, өткен есеп айырысу кезеңі ішіндегі Орындаушының қызметіне ақы төлеу мөлшері берілген және/немесе бөлінген электр энергиясының көлемін салыстыру актісі ұсынылған жағдайда, кейіннен Орындаушының келесі есептік кезеңдегі қызметтеріне ақы төлеу мөлшерін түзете отырып, Орындаушының берілген және/немесе бөлінген электр энергиясының көлемі туралы қолда бар жедел деректеріне сәйкес айқындалады.

31. Өткен кезеңдер үшін берешегі болған кезде, төлем бірінші кезекте осы берешекті өтеуге жіберіледі. Тапсырысшы есеп айырысу кезеңі үшін іс жүзіндегіден артық сома төлеген жағдайда, осы артық соманың айырмасы келесі есеп айырысу кезеңінің аванстық төлеміне (не тараптардың келісімі бойынша Орындаушының алдындағы Тапсырысшының өзге міндеттемелері бойынша берешегін өтеу есебіне, егер осындай болса) автоматты түрде есептеледі. Егер Тапсырысшы Орындаушының келесі есеп айырысу кезеңіне арналған қызметінен бас тартса, Тапсырысшының Орындаушының алдындағы өзге де міндеттемелері бойынша берешегін (егер осындай болса) өтеуге жүретін соманы қоспағанда, артық төленген сома қайтарылады.

32. Егер Тапсырысшы шығарылған шоттың дұрыстығын дауласа, ол осы шотты алған күннен бастап бес күнтізбелік күн ішінде Орындаушыны хабардар етеді және Орындаушыға қарсылықтарды баяндай отырып, жазбаша өтініш береді. Бұл ретте Тапсырысшы жоғарыда көрсетілген мерзімдерде шоттың дауланбаған бөлігін төлеуге міндетті.

33. Егер бақылау-өлшеу құралдарының жарамсыздығының нәтижесінде шоттарға түзету қажет болған жағдайда және басқа да жағдайларда, Тараптар кейінгі есеп айырысу кезеңдерінде шоттарға түзету енгізеді.

34. Шот-фактурада көрсетілген деректемелер бойынша Орындаушының

ағымдағы шотына немесе Тапсырысшыға жолданған хабарламада Орындаушы көрсеткен деректемелер бойынша үшінші тараптың ағымдағы шотына ақша есептеу Орындаушының электр энергиясын беру және/немесе бөлу жөніндегі қызметтеріне ақы төлеу бойынша Тапсырысшының міндеттемелерін орындауы д е п т а н ы л а д ы .

35. Тараптардың келісімі бойынша электр энергиясын беру және/немесе бөлу жөніндегі қызметтерге ақы төлеудің қолданыстағы заңнамаға қайшы келмейтін өзге де тәртібі мен нысаны белгіленуі мүмкін.

36. Орындаушының электр желілеріндегі электр энергиясының нормативтік ысыраптары есеп айырысу жолымен анықталады және оларды заңнамада белгіленген тәртіппен уәкілетті орган бекітеді. Орындаушының электр желілеріндегі электр энергиясының іс жүзіндегі ысыраптарының құнын Орындаушы генерациялау көзіне төлейді.

8. Тараптардың жауапкершілігі

37. Осы Шарт бойынша міндеттемелердің орындалмағаны немесе тиісінше орындалмағаны үшін Тараптар Қазақстан Республикасының қолданыстағы заңнамасына сәйкес жауапты болады.

38. Шот бойынша төлем мерзімі келген сәтте оны төлемегені үшін, Орындаушы Тапсырысшы төлемеген сомалар бойынша, төлем мерзімі аяқталған күннен кейінгі келесі күннен бастап тұрақсыздық айыбын есептеуге құқылы. Мерзімі өткен сомалар бойынша Орындаушы Тапсырысшыдан төлемнің мерзімі өткен әрбір күні үшін Тапсырысшы ақшалай міндеттемесін іс жүзінде орындаған күнге Қазақстан Республикасының Ұлттық Банкі белгілеген 1,5 еселік қайта қаржыландыру ставкасын негізге ала отырып, есептелген тұрақсыздық айыбын төлеуді талап етуге құқылы.

39. Есеп айырысу кезеңі ішінде электр энергиясын берудің және/немесе бөлудің айлық көлемі тараптармен келісілгеннен Орындаушының кінәсі бойынша іс жүзінде төмендеген кезде, соңғысы кез келген көздерден кем жеткізілген көлемнің орнын толтырады, олай болмаған жағдайда, Тапсырысшы электр энергиясын беру және/немесе бөлу жөніндегі қызмет құнының мөлшерінде кем жеткізілген электр энергиясының көлемін негізге ала отырып, айыппұл салуға құқылы.

40. Егер энергия өндіруші ұйым Тапсырысшының атына шарттасқаннан төмен қуат берген жағдайда, онда Орындаушы сатушы босатқан қуатқа теңгерілетін шамаға дейін Тапсырысшының атына берілген қуатқа шектеу жүргізеді.

41. Төлемегені немесе уақтылы төлемегені үшін, сондай-ақ энергия өндіруші

ұйымның электр энергиясын/қуатын кем бергені үшін шектеу немесе ажыратып тастау кезінде туындаған салдарларға жауапкершілік толығымен Тапсырысшыға жүктеледі. Бұл ретте Тапсырысшының тұтынушыларының, оның ішінде энергиямен үздіксіз жабдықтау объектілерінің ажыратылуының ықтимал салдарлары үшін барлық жауапкершілік Тапсырысшыға жүктеледі.

9. Форс-мажорлық жағдайлар

42. Тараптар Шарт бойынша міндеттемелердің орындалмағаны немесе тиісті дәрежеде орындалмағаны үшін, егер бұл еңсерілмес күш жағдайларының салдарынан болған жағдаяттар болса, жауапкершіліктен босатылады. Мұндай жағдайда тараптардың бір де біреуі залалдың орнын толтыруға құқығы жоқ. Тараптардың кез келгенінің талабы бойынша мұндай жағдайда өзара міндеттемелердің атқарылуын анықтайтын комиссия құрылуы мүмкін. Бұл ретте тараптардың бір де біреуі Шарт бойынша еңсерілмес күш жағдаяттары болғанға дейін туындаған міндеттемелерден босатылмайды.

43. Егер Тараптардың біреуі еңсерілмес күштің жағдаяттары болған сәттен бастап алпыс күнтізбелік күн ішінде өзінің Шарт бойынша міндеттемелерін орындауға шамасы келмейтін болса, екінші тараптың Шартты бұзуға құқығы бар.

10. Жалпы ережелер және дауларды шешу

44. Электр энергиясын беру және/немесе бөлу жөніндегі қызметтер көрсету шартын тараптар жеке тәртіппен жасасады.

45. Шарттың қандай да бір ережесі бойынша туындаған қандай да бір дау немесе келіспеушілік жағдайында тараптардың кез келгені екінші тарапқа даудың мәнін толық баяндай отырып, наразылық жолдауға құқылы.

Тараптар туындаған дауларды келіссөздер жолымен реттеу бойынша қажетті барлық күш-жігерлерін жұмсауға тиіс.

46. Келісімге қол жеткізілмеген жағдайда, Шарт бойынша барлық даулар мен келіспеушіліктер сот тәртібімен шешіледі.

47. Тараптардың Шарттан туындайтын және онымен реттелмеген қатынастары Қазақстан Республикасының қолданыстағы заңнамасымен реттеледі.

48. Шарт тараптарда сақталатын және бірдей заң күші бар 2 данада жасалады.

Шарт мемлекеттік бюджеттен қаржыландырылатын мемлекеттік мекемелер үшін Қазақстан Республикасының Қаржы министрлігі Қазынашылық

комитетінің аумақтық органдарында тіркеледі және тіркелген сәттен бастап қолданысқа енеді.

11. Шарттың қолданылу мерзімі

49. Шарт 200__жылғы " __ " _____ 00-00 сағаттан бастап күшіне енеді және 200__жылғы " ____ " _____ 24-00 сағатқа дейін қолданылады.

50. Шарттың қолданылу мерзімі, егер Шарттың қолданылу мерзімі аяқталғанға дейін отыз күн бұрын тараптардың біреуі бұл туралы мәлімдесе электр энергиясын беру және/немесе бөлу көлемін нақтылай отырып, белгілі бір мерзімге ұзартылады және Шартқа қосымша келісіммен ресімделеді.

12. Тараптардың деректемелері

Орындаушы: _____

Тапсырысшы: _____

Қазақстан Республикасы

Үкіметінің

2005 жылғы 1 маусымдағы

№ 546 қаулысына

2-қосымша

Қазақстан Республикасы

Үкіметінің

2003 жылғы 28 қарашадағы

№ 1194 қаулысымен

бекітілген

**Жылу энергиясын беру және/немесе бөлу жөніндегі
қызметкерді көрсетуге арналған үлгі шарт**

200__жылғы " __ " _____

(шарттың жасалған орны)

Бұдан әрі, Орындаушы деп аталатын _____

(жылу энергиясын беру және/немесе бөлу жөніндегі қызметтерді

ұсынатын субъектінің атауы, құрылтай құжаттары, мемлекеттік тіркеу туралы куәлік, берілген күні мен берген орган)

_____ негізінде әрекет ететін

_____ тұрғысында

(лауазымы, тегі, аты-жөні)

бір тараптан және бұдан Тапсырысшы деп аталатын _____

негізінде әрекет ететін _____
(пайдаланушы деректемелері, құрылтай құжаттары, мемлекеттік
_____ тіркеу туралы куәлік берілген күні мен берген орган)
_____ тұрғысында
(лауазымы, тегі, аты-жөні)
екінші тараптан, мына төмендегілер туралы осы Шартты (бұдан әрі - Шарт)
жасасты.

1. Шартта пайдаланылатын негізгі ұғымдар

1. Шартта мынадай негізгі ұғымдар пайдаланылады:

теңгерімдік тиесілік бөлімінің шекарасы - Орындаушы мен Тапсырысшының тұтынушысы арасындағы жылу желісінің теңгерімдік тиесілілігі немесе Шарт бойынша айқындалатын жылу желісінің бөлу нүктесі;

тараптардың пайдалану жауапкершілігін бөлу шекарасы - жылу тұтынатын қондырғылардың және/немесе желінің теңгерімдік тиесілілікті немесе тараптардың келісімдері бойынша айқындалатын тараптардың жылу тұтынатын қондырғыларының және/немесе желісінің бөлу нүктесі;

төлем құжаты - Орындаушының, оның негізінде төлем жүргізілетін құжаты (есептеу құралдары көрсеткіштерінің негізінде жасалған шоты, хабарламасы, түбіртегі, ескерту шоты);

есептеу аспабы (есеп айырысатын есептеу аспабы) - жылу энергиясын коммерциялық есептеуге арналған, қолдануға заңнамада белгіленген тәртіппен рұқсат етілген техникалық құрылғы;

есеп айырысу кезеңі - Орындаушының жылу энергиясын беру және/немесе бөлу жөніндегі қызметтерінің көлемдері мен құнына есеп айырысу жүргізілетін уақыт кезеңі (күнтізбелік ай);

реттеуші орган - белгіленген құзырет шектерінде табиғи монополиялар салаларындағы қызметке бақылау мен реттеуді жүзеге асыратын орталық мемлекеттік орган немесе облыстық (республикалық маңызы бар қаланың, астананың) атқарушы орган;

жылу желісі - тұтынушыларға жылу энергиясын беруге және/немесе бөлуге арналған құрылғылардың жиынтығы;

жылу тұтынатын қондырғы - жылу энергиясын қабылдауға және пайдалануға арналған қондырғы немесе құрал;

уәкілетті орган - электр энергетикасы саласында бақылау мен реттеуді жүзеге асыратын мемлекеттік орган;

жылу энергиясының нақты көлемі - Орындаушы Тапсырысшыға берген,

есептеу құралдарының көрсеткіштері негізінде немесе олар болмаған жағдайда, жергілікті атқарушы органдар бекіткен нормалар бойынша айқындалған жылу энергиясының көлемі.

2. Шарттың мәні

2. Осының алдындағы Шартқа қойылатын міндетті талаптар: _____

(осы тармақта міндетті талаптар, оның ішінде техникалық шарттың,

жылумен жабдықтау жүйелерінің техникалық әзірлігі актісінің, жылу

желілерін ажырату актісінің болуы және т.б. көзделеді)

3. Орындаушы Тапсырысшының тұтынушыларына жылу желілерін ажырату актісімен айқындалатын теңгерімдік тиесілілігі мен пайдалану жауапкершілігінің бөлу шекарасына дейін Орындаушының жылу желілері бойынша жылу энергиясын беруді және/немесе бөлуді жүзеге асыруға міндеттенеді.

Бұл ретте, Тапсырысшының тұтынушыларына жеткізілетін жылу энергиясы өлшемдері (сапасы) тараптардың теңгерімдік тиесілілігінің шекарасына орнатылған бақылау-өлшеу құралдарының көрсеткіштері бойынша айқындалады және мемлекеттік стандарттармен белгіленген талаптарға немесе өзге де нормативтік-техникалық құжаттамаға, сондай-ақ Орындаушы жасаған және жергілікті атқарушы органдармен келісілген температуралық кестеге сәйкес к е л у г е т и і с .

Егер тараптардың келісімімен өзгеше келісілмесе жылу энергиясын беру және/немесе бөлу үздіксіз жүргізіледі.

4. Тапсырысшы Орындаушыға Шартпен айқындалған талаптарда жылу энергиясын беру және/немесе бөлу жөніндегі қызметтерге ақы төлеуге, сондай-ақ жылу энергиясын тұтыну режимін және осы Шартта көзделген басқа да талаптарды сақтауға міндеттенеді.

3. Қызметтерді ұсынуды шектеудің тәртібі

5. Орындаушы Тапсырысшыға осы Шартта көзделген, оның ішінде:

Шартта белгіленген мерзімдерде жылу энергиясын беру және/немесе бөлу жөнінде ұсынылған қызметтер үшін ақы төленбеген, бұл ретте, ескерту жазбаша түрде кем дегенде 15 күн бұрын ұсынылады;

жылу тұтынатын қондырғыларын Орындаушының жылу желісіне өз бетімен қ о с қ а н ;

жылу тұтынатын жүйелерін есептеу құралдарының орнатылған орнына дейін
қ о с қ а н ;

Орындаушының өкілдерін жылу тұтынатын жүйелерге және есептеу құралдарына жібермеген (ескерту кем дегенде 3 тәулік бұрын);

жылу тұтынатын қондырғылар мен жылу желілерінің күзгі-қысқы кезеңде жұмысқа техникалық дайындығы актісіңсіз және сараптама ұйымының қорытындысынсыз Орындаушының жылу желісіне қосқан (ескерту жылу энергиясын беруді тоқтатқанға немесе шектегенге дейін кем дегенде 3 тәулік б ұ р ы н) ;

уәкілетті орган растаған жоспарлы жөндеулер жүргізілген жағдайларда жылу энергиясын беруді және/немесе бөлуді тоқтатуға немесе шектеуге құқылы.

6. Тапсырысшы жылу тұтынатын қондырғыларды өз бетімен қосқан немесе оларды коммерциялық есептеу құралдарына дейін қосқан кезде, Орындаушы акт жасайды және Тапсырысшыға берілген жылу энергиясының көлеміне заңнамада белгіленген тәртіппен қайта есеп айырысу жүргізеді.

Акт Орындаушы өкілінің және тексерілетін Тапсырысшының немесе оның тұтынушысының, не олардың өкілінің қолы болған кезде жарамды. Акт Тапсырысшы немесе оның тұтынушысы қол қоюдан бас тартқан кезде де, бірақ оны Орындаушының комиссиясы және/немесе құрамында кем дегенде үш адамы бар кондоминиумді басқаратын орган ресімдеген жағдайда, жарамды деп есептеледі.

4. Жылу энергиясын есептеу

7. Орындаушының желілері бойынша берілген және Тапсырысшы қабылдаған жылу энергиясының мөлшері оны есептеу құралдарының көрсеткіштері бойынша іс жүзінде тұтыну туралы есептердің деректеріне сәйкес, ал олар болмаған немесе уақытша істен шыққан жағдайда, Орындаушы нормативтік-техникалық құжаттар талаптарының негізінде орындаған есеп айырысу ж о л ы м е н а й қ ы н д а л а д ы .

8. Қызметтерді босатуды есептеу тараптардың теңгерімдік тиесілілікті бөлу шекарасында жүргізіледі. Есептеу құралдары тараптардың теңгерімдік тиесілілікті бөлу шекарасынан тыс орнатылған кезде, бөлу шекарасынан құралдар орнатылған жерге дейінгі учаскедегі ысыраптар желінің көрсетілген учаскесі теңгерімінде тұрған иеленушіге жатқызылады және есеп айырысу ж о л ы м е н а й қ ы н д а л а д ы .

9. Тапсырысшының жылумен жабдықтау жүйесін есептеу құралдарын орнатпастан уақытша пайдалануға Орындаушының рұқсатымен жол беріледі. Мұндай жағдайда қызметтердің көлемі есеп айырысу жолымен белгіленеді.

10. Жабдықтың және инженерлік желілердің техникалық жай-күйіне, сондай-ақ жылу энергиясын есептеу құралдарының сақталуына жауапкершілік оның меншік иесіне жүктеледі және теңгерімдік тиесіліліктің шекарасы бойынша а й қ ы н д а л а д ы .

11. Тараптардың есептеу құралдары тексерілуі және оларға пломба салынуы тиіс. Тараптар көрсеткіштерді алу, есептеу жүйелерінің техникалық жай-күйін тексеру мақсатында бір-біріне тәуліктің жұмыс сағаттары ішінде есептеу құралдарына қол жеткізуді ұсынуға тиіс.

12. Есептеу құралдарын белгісіз адамдар ұрлаған немесе сындырған жағдайда , егер Шартта өзгеше көзделмесе, оның сақталуына жауапты адам отыз күн мерзім ішінде, есептеу құралдарын қалпына келтіруге міндетті. Есептеу құралдарын қалпына келтіру сәтіне дейін Тапсырысшы оны жылу желісіне қосуды талап етуге құқылы.

13. Орындаушы Шартқа сәйкес Тапсырысшыға жылу энергиясын беруді және /немесе бөлуді қамтамасыз етуге және берілетін жылу тасушы өлшемдерінің шарттасылғаннан +/- 5%-тен аспайтын ауытқуға жол бермеуге міндетті.

14. Тараптар олардың теңгеріміндегі коммерциялық есептеу құралдарына өз есебінен тиісті метрологиялық стандарттарда көзделген мерзімдерде метрологиялық тексерулер жүргізеді.

Тараптар талап ететін тараптың есебінен жүргізілетін қосымша тексерулер жүргізуді талап етуі мүмкін.

5. Тараптардың құқықтары мен міндеттері

15. Тапсырысшының:

1) осы Шартпен белгіленген көлемде және мерзімдерде белгіленген сападағы қызметтерді алуға;

2) үзілістер және оның стандарттық өлшемдеріне сәйкес келмейтін жылу энергиясын жеткізбеген немесе жеткізген уақыт ішінде қызметтерге ақы төлеу бойынша есеп айырысуды жасалған Шарттың талаптарына сәйкес талап етуге;

3) Орындаушыдан тарифтердің (бағалардың, алым ставкаларының) өзгергені туралы олар қолданысқа енгізілгенге дейін он күннен кешіктірмей ақпарат алуға;

4) Шартты жасасуға және орындауға байланысты даулы мәселелерді шешу үшін сот органдарына шағымдануға;

5) Орындаушы іс жүзінде ұсынған қызметтер үшін ақы төленуі шартымен 30 күнтізбелік күннен кешіктірмей Орындаушыны жазбаша хабардар ете отырып, Шартты біржақты тәртіппен бұзуға құқығы бар. Бұл ретте, жылыту жүйесі көп пәтерлі үйдің жалпы жылыту жүйесінің бөлігі болып табылатын жеке үй-жайдың

меншік иесінің жылу энергиясын беруге және/немесе бөлуге арналған Шарттан бір жақты бас тартуына жол берілмейді.

16. Тапсырысшы :

- 1) Орындаушы ұсынған жылу энергиясын беру және/немесе бөлу жөніндегі қызметтерге Шарттың талаптарына сәйкес уақтылы ақы төлеуге;
- 2) жылумен жабдықтау жүйелерінің тиісінше техникалық жай-күйін лайықты дәрежеде ұстауға ;
- 3) Орындаушыны есептеу құралдарының істен шыққаны немесе режимнің және жұмыс талаптарының бұзылғаны туралы жедел жазбаша хабардар етуге, олай болмаған жағдайда, есептеу құралдары тиісті құжаттармен расталған оларды соңғы рет тексерген сәттен бастап істен шықты деп саналады;
- 4) Орындаушының персоналына желілердің, құралдар мен жабдықтардың техникалық жай-күйі мен қауіпсіздігіне бақылауды жүзеге асыру үшін жылу энергиясын есептеу құралдарына және жылу тұтыну қондырғыларына кедергісіз қол жеткізуін қамтамасыз етуге;
- 5) Шарт бұзылған жағдайда, есеп айырысуларға салыстыру жасауға және Орындаушы іс жүзінде ұсынған жылу энергиясын беру және/немесе бөлу жөніндегі қызметтерге арналған борышты өтеуге міндетті.

17. Орындаушының :

- 1) осы Шарттың 5-тармағында көзделген жағдайларда Шарттың орындалуын біржақты тәртіппен тоқтатуға ;
- 2) шартта және Қазақстан Республикасының заңнамасында белгіленген өзге де әрекеттерді жасауға құқығы бар.

18. Орындаушы :

- 1) жылу энергиясын беру және/немесе бөлу жөніндегі қызметтердің барлық тұтынушылары үшін бірдей жағдайлар ұсынуға;
- 2) жылу желілерінің теңгерімдік тиесілілікті бөлу шекарасында осы Шартта берілген жылу энергиясының өлшемдерін ұстауға;
- 3) Тапсырысшымен жылу энергиясын беру және/немесе бөлу жөніндегі қызметтерді ұсынуға шарт жасасуға;
- 4) Тапсырысшыға тиісті сападағы жылу энергиясын беру және/немесе бөлу жөніндегі қызметтерді Шарттың талаптарымен айқындалған тәртіппен және мерзімдерде ұсынуға ;
- 5) Тапсырысшыға жеткізілетін жылу энергиясының сапасы мен санына есеп және бақылау жүргізуге, жылу энергиясы сапасының бұзушылықтарының алдын алу және жою жөнінде уақтылы шаралар қабылдауға;
- 6) Тапсырысшы жылу энергиясы сапасының төмендегені туралы өтінішті берген күннен бастап үш күн ішінде сапаны қалпына келтіру бойынша барлық шараларды қабылдауға және қайта есеп айырысуды орындауға;

7) реттеуші орган бекіткен тарифтер бойынша жылу энергиясын беру және/немесе бөлу жөніндегі көрсетілетін қызметтер үшін төлемді өндіріп алуға;

8) осы Шартта көзделген жағдайлардан басқа, жылу энергиясын беруде және/немесе бөлуде үзілістерге жол бермеуге міндетті.

6. Тараптарға қойылатын талаптар

19. Тапсырысшыға :

1) ішкі кварталдық желілерді, инженерлік жабдықты және құрылғыларды қайта жабдықтауға, Орындаушының келісімінсіз реттегіш және бітеме арматураны, сондай-ақ қауіпсіз пайдалану талаптарына және нормативтік құжаттармен белгіленген басқа да талаптарға жауап бермейтін жабдықты орнатуға, қосуға және пайдалануға;

2) қолда бар жылу энергиясын есептеу схемасын бұзуға;

3) жылыту жүйелеріндегі жылу тасушыны тура мақсатында пайдаланбауға тыйым салынады .

20. Тараптарға тараптардың құқықтарын шектейтін не Қазақстан Республикасының заңнамасын өзге түрде бұзатын іс-әрекеттер жасауға тыйым салынады.

7. Есеп айырысу тәртібі

21. Орындаушының жылу энергиясын беру және/немесе бөлу жөніндегі қызметтеріне ақы төлеуді Тапсырысшы реттеуші орган бекіткен тарифтер бойынша жүргізеді .

22. Тариф өзгерген жағдайда, Орындаушы бұл туралы Тапсырысшыны бұқаралық ақпарат құралдары арқылы жаңа тариф қолданысқа енгізілгенге дейін он күнтізбелік күн бұрын хабардар етеді.

23. Орындаушы іс жүзінде ұсынған жылу энергиясын беру және/немесе бөлу жөніндегі қызметтерге ақы төлеуді Тапсырысшы есептеу құралдарының көрсеткіштеріне сәйкес есеп айырысудан кейінгі айдың 20 күнінен кешіктірмей жүргізеді .

24. Өткен кезеңдер үшін берешегі болған кезде, бірінші кезекте төлем осы берешекті өтеуге жіберіледі. Тапсырысшы есеп айырысу кезеңі үшін іс жүзіндегіден артық сома төлеген жағдайда, осы артық айырма келесі есеп айырысу кезеңінің аванстық төлеміне автоматты түрде (не тараптардың келісімі бойынша Орындаушының алдындағы Тапсырысшының өзге міндеттемелері бойынша берешегін өтеу есебіне, егер осындай болса) есептеледі. Егер Тапсырысшы Орындаушының келесі есеп айырысу кезеңіндегі қызметтерінен

бас тартса, Тапсырысшының Орындаушының алдындағы (егер осындай болса) өзге міндеттемелері бойынша берешегін өтеуге жұмсалған сомаларды қоспағанда , артық төленген сома қайтарылады.

25. Егер бақылау-өлшеу құралдары ақаулығының нәтижесінде және басқа жағдайларда шоттарға түзету енгізу қажет болған жағдайда Тараптар кейінгі есеп айырысу кезеңдерінде шоттарға түзету енгізеді.

26. Шот-фактурада көрсетілген деректемелер бойынша Орындаушының ағымдағы шотына ақша есептеу Орындаушының жылу энергиясын беру және/немесе бөлу жөніндегі қызметтеріне ақы төлеу бойынша Тапсырысшының міндеттемелерін орындауы деп танылады.

27. Тараптардың келісімі бойынша жылу энергиясын беру және/немесе бөлу жөніндегі қызметтерге ақы төлеудің Қазақстан Республикасының заңнамасына қайшы келмейтін өзге де тәртібі мен нысаны белгіленуі мүмкін.

8. Тараптардың жауапкершілігі

28. Осы Шарт бойынша міндеттемелердің орындалмағаны немесе тиісінше орындалмағаны үшін, Тараптар Қазақстан Республикасының қолданыстағы заңнамасына сәйкес жауапты болады.

29. Ол бойынша ақы төлеу мерзімі басталған сәтіне шотты төлемегені үшін (Шарттың 32-тармағында көзделген жағдайларды қоспағанда), Тапсырысшы төленбеген сомалар бойынша Қазақстан Республикасының Ұлттық Банкі белгілеген қайта қаржыландыру ставкасының 1,5 еседен астам мөлшерінде Тапсырысшының ақша міндеттемелерін іс жүзінде орындаған күніне төлемнің мерзімі өткен әрбір күні үшін, бірақ негізгі борыш сомасынан аспайтын тұрақсыздық айыбын төлеуге құқылы.

Тұрақсыздық айыбының мөлшерін белгілеу Шарт жасасу кезінде жүргізіледі. Егер тараптардың келісімімен өзгеше ескертілмесе, есеп айырысу кезеңнен кейінгі айдың бірінші күні тұрақсыздық айыбын есептеу мерзімінің басы болып т а б ы л а д ы .

30. Егер Орындаушының Тапсырысшыға қызмет ұсынуы мүмкін болмауы Орындаушымен шарттық қатынастарда тұратын басқа тұлғалардың кінәсінен болса, Тапсырысшы алдында Орындаушы жауапты болады.

31. Тұрақсыздық айыбын төлеу тараптарды Шарт бойынша міндеттемелерді орындаудан босатпайды.

9. Форс-мажорлық жағдаяттар

32. Тараптар Шарт бойынша міндеттемелердің орындалмағаны немесе тиісінше орындамағаны үшін, егер бұл еңсерілмес күш жағдайларының салдарынан болған жағдаяттар болса, жауапкершіліктен босатылады. Мұндай жағдайда тараптардың бір де біреуі залалдардың орнын толтыруға құқығы жоқ. Тараптардың кез келгенінің талабы бойынша мұндай жағдайда өзара міндеттемелердің атқарылуын анықтайтын комиссия құрылуы мүмкін. Бұл ретте, тараптардың бір де біреуі Шарт бойынша еңсерілмес күші жағдаяттары болғанға дейін туындаған міндеттемелерден босатылмайды.

33. Егер Тараптардың біреуі еңсерілмес күштің жағдаяттары болған сәттен бастап алпыс күнтізбелік күн ішінде өзінің Шарт бойынша міндеттемелерін орындай алмайтындай жағдайда қалса, екінші тарап Шартты бұзу туралы жазбаша хабарламаны жолдай отырып, Шартты бұзуға құқылы.

10. Жалпы ережелер және дауларды шешу

34. Жылу энергиясын беру және/немесе бөлу жөніндегі қызметтер көрсету шартын тараптар жеке тәртіппен жасасады.

35. Шарттың қандай да бір ережесі бойынша немесе тұтастай немесе қандай да бір мәселелерге немесе Шарттың ережелеріне қатысты әрекетке байланысты туындаған қандай да бір дау немесе келіспеушілік жағдайында тараптардың кез келгені екінші тарапқа даудың мәнін толық баяндай отырып, наразылық ж о л д а у ғ а қ ұ қ ы л ы .

Тараптар туындаған дауларды келіссөздер жолымен реттеу бойынша қажетті барлық күш-жігерін жұмсауы тиіс.

36. Келісімге қол жеткізілмеген жағдайда, Шарт бойынша барлық даулар мен келіспеушіліктер сот тәртібімен шешіледі.

37. Тараптардың Шарттан туындайтын және онымен реттелмеген қатынастары Қазақстан Республикасының қолданыстағы заңнамасымен реттеледі .

38. Шарт Тараптарда сақталатын және бірдей заң күші бар 2 данада жасалады .

Шарт мемлекеттік бюджеттен қаржыландырылатын мемлекеттік мекемелер үшін Қазақстан Республикасы Қаржы министрлігі Қазынашылық комитетінің аумақтық органдарында тіркеледі және тіркелген сәттен бастап қолданысқа енгізіледі.

11. Шарттың қолданылу мерзімі

39. Шарт қол қойылған сәттен бастап күшіне енеді және 200_ жылғы " __ " _____ дейін қолданылады.

40. Шарттың қолданылу мерзімі, егер Шарттың қолданылу мерзімі аяқталғанға дейін отыз күн бұрын тараптардың біреуі бұл туралы мәлімдесе, жылу энергиясын беру және/немесе бөлу көлемін нақтылай отырып, белгілі бір мерзімге ұзартылады және Шартқа қосымша келісіммен ресімделеді.

12. Тараптардың деректемелері

Орындаушы: _____ Тапсырысшы: _____